

重庆市哲学社会科学规划重大项目
“历史文献中的重庆”(CQZDW200604)成果

稀见重庆 地方文献汇点

——（下）——

主 编 蓝 勇

副主编 杨光华 马 强



重庆大学出版社
<http://www.cqup.com.cn>

图书在版编目(CIP)数据

稀见重庆地方文献汇点. 下/蓝勇编注. —重庆:
重庆大学出版社, 2014. 6
ISBN 978-7-5624-7940-6

I. ①稀… II. ①蓝… III. ①地方文献—汇编—重庆
市—清代 IV. ①K297.19

中国版本图书馆 CIP 数据核字(2013)第 317694 号

稀见重庆地方文献汇点(下)

Xijian Chongqing Difang Wenxian Huidian(xia)

主 编 蓝 勇

副主编 杨光华 马 强

责任编辑:王 斌 胡小京 张家钧 版式设计:胡小京

责任校对:秦巴达 责任印制:赵 晟

*

重庆大学出版社出版发行

出版人:邓晓益

社址:重庆市沙坪坝区大学城西路 21 号

邮编:401331

电话:(023) 88617190 88617185(中小学)

传真:(023) 88617186 88617166

网址: <http://www.cqup.com.cn>

邮箱: fxk@cqup.com.cn (营销中心)

全国新华书店经销

重庆川外印务有限公司印刷

*

开本:787×1092 1/16 印张:33.25 字数:794 千

2014 年 6 月第 1 版 2014 年 6 月第 1 次印刷

ISBN 978-7-5624-7940-6 定价:650.00 元

本书如有印刷、装订等质量问题,本社负责调换

版权所有,请勿擅自翻印和用本书
制作各类出版物及配套用书,违者必究

《稀见重庆地方文献汇点》(下)

工作人员名单

主 编 蓝 勇

副主编 杨光华 马 强

誊 抄 姜立刚 韩 平 张宝宝 沈桂钊 方 珂

点 校 戴林利 朱江琳 李文青 张利利 程莉莉

龚 政 王文君 方 珂 刘志伟 裴洞豪

贾丽娜 易 宇 吴宏郡 杨东煜 钱 璐

罗 权 王 毅 陈浩东

校 对 蓝 勇 杨光华 马 强 马 剑 李 鹏

罗 权 王 毅 曾潍嘉 刘 静 周 妮

李妍祺 李雯君 任 婷 武肖敏 曾青山

牟旭平 张 赢 周伦毅 陈 旭 张 亮

孙 健 刘任南 秦春艳 陈 呈

目 录

道光《重庆府志》	423
《重庆府志》卷之一	429
《重庆府志》卷之二	492
《重庆府志》卷之三	503
《重庆府志》卷之四	524
《重庆府志》卷之五	616
《重庆府志》卷之六	625
《重庆府志》卷之七	642
《重庆府志》卷之八	825
《重庆府志》卷之九	925

道光《重庆府志》

据道光刻本点校,(清)王梦庚主修,寇宗主纂,点校人:吴宏郡、杨东煜、易宇、李文青、贾丽娜、刘宏伟、朱江琳

道光癸卯年纂修 闾郡新□

重修《重庆府志》叙

昔子朱子莅官,先索其地之志观之,明其利弊,察其人情,因以施之政事,盖不徒以儒术为经济也。壬寅秋,庚奉檄权守重庆。重庆,古巴子之国,其地东接夔、万,北达秦岭,南通黔中,用以屏障西川,地广民殷。每虞覆餗旷官,急资治镜,而江州、南平两图经既渺不可得,即有明江学士朝宗所撰《重庆郡志》,鼎革之后,亦残蚀不全,心怅然者久之。夫一郡之内,不悉其道里厄塞几何,何以设险制防;不稽其户口殷耗几何,何以理财用民;不知历来政绩之隆替、人文之盛衰、谣俗之好尚为奚若,又何以兴利除害,劝善惩恶。不敢自逸,亟调各州县旧志披阅,大抵详略异宜,文质殊尚。爰檄合属印官、教职,公同采访,编辑成册,陆续申解来郡。复饬荣昌县教谕寇宗汇纂成志,总期无滥无遗,以资考覆。每成一帙,庚斟酌鉴定,一过即行开雕。万川学博,乃厘为九卷。首舆地,重沿革也;次祠庙,治民者必致力于神也;次食货,生民之大命也;次职官,详典守也。于是乎,重文事则学校次之,策功勋则武备次之,举贤育才,英俊由之以兴。次选举,志砥行历名,风俗所为丕变;次人物志,终之以艺文。惟仿班志之例,而古迹、诗赋、记序等类,则散见各条之中。志原以纪事也,附以祥异,而迄于壬寅。嘉禾丰年,诵扬太平也。观止矣,中间惟我朝职官人物,重令学博,再详采辑。既成,叙其梗概,盖资诸寅好之相与表彰云。时大清道光二十三年癸卯岁六月庚寅初伏日也。

署重庆府知府、直隶松潘厅同知,金华西躔王梦庚叙

《重庆府志》后叙

江文通之言曰:作史莫难于志,难乎其言必皆征实,而非可以意为也。顾时或隔数十载,地不越数百里,则其爬搜掇拾,于以彰往而诏来也。虽难,犹未甚。若重庆者,南控黔滇,东达荆楚,袤延几二千里,为西蜀一大都会。我国家承平二百有余年矣,其间礼乐文教之设施、人物习尚之隆替,莅兹土者抑岂乏瑰阁杰出之才,足以驱遣百家,网罗散佚成一书,以备三巴文献之征。而自有明江志后,迄今三百年无人焉起而肩之,是果皆一行作吏,此事遂废哉。地广者抉择难,不遗则滥,时久者考质难,不舛则诬,信以传信,固不可苟而已也。

西躔太守为我乡名宿,宦蜀三十年,所至以经术饰吏治。壬寅秋来守是郡,慨然念斯志之不可久缺,而又不欲以其所难者俟之人。于是博加采访,以荣昌教谕寇君司纂辑,而亲总其成事。虽因而实创,昕夕编摩,如列眉如观火。朝采于是年冬奉檄权巴,篆受而读之,辄叹其简练精核,突过康对山《武功志》以上。开雕甫半,而公遽归道山。朝采窃惜是书之垂成,而成之如此其难也,因督促之,以毕公之志。呜呼,公往矣,公固自有其所以不亡者在哉!

赐进士出身、署重庆府巴县事、罗江县知县,钱塘叶朝采

谨跋

认辨梓人 陈铁笔 隆昌县河街座

《重庆府志》编辑职名

监修

护理四川分巡川东兵备道、重庆府知府 有 庆 汉军正白旗人 嘉庆丁丑进士

鉴定

署重庆府知府、松潘厅直隶同知 王梦庚 浙江金华府人 嘉庆辛酉选拔

提调校勘

署巴县事、罗江县知县 叶朝采 浙江钱塘县人 道光乙未进士

协修

江北厅理民同知 福珠朗阿 满洲正白旗人 监生

署江北厅理民同知 郑安仁 福建人 监生

署江津县知县 濮 瑗 江苏漂水县人 道光丙戌进士

长寿县知县 张如海 浙江钱塘县人 嘉庆丁卯举人

永川县知县 胡 筠 江西新昌县人 进士

署荣昌县知县 孙 濂 贵州贵筑县人 道光庚子进士

綦江县知县 金渭缪 湖北金山县人 道光乙未进士

署南川县知县 恒 泰 满洲正白旗人 道光庚子进士

合州知州 张其仁 云南太和县人 道光丙戌进士

涪州知州 德 恩 满洲镶黄旗人 生员

署涪州知州 徐树楠 江西奉新县人 道光乙未进士

铜梁县知县 沈廷贵 安徽芜湖县人 拔贡

大足县知县 春 熙 满洲正黄旗人 进士

璧山县知县	朱希良	顺天大兴县人	进士
定远县知县	张嗣鸿	浙江余姚县人	荫生
分采			
重庆府学教授	李淳玉	资阳县人	庚辰进士
重庆府学训导	苏兆熊	阆中县人	优贡
江北厅学训导	宋 煊	灌县人	举人
署巴县学教谕	陈光璠	遂宁县人	廪生
巴县学训导	高敏良	内江县人	举人
江津县学教谕	郭玉莹	隆昌县人	廪贡
江津县学训导	瞿敬止	丹陵县人	举人
长寿县学教谕	郭毓冈	隆昌县人	举人
永川县学教谕	龚翼修	广安州人	拔贡
綦江县学教谕	赖人庆	华阳县人	廪生
綦江县学训导	刘 浩	夔州府人	岁贡
南川县学教谕	杨继忠	泸州人	举人
合州学学正	陈 煌	简州人	举人
合州学训导	李其斐	成都府人	岁贡
涪州学学正	彭 寅	达县人	举人
署涪州学训导	熊毓仑	渠县人	举人
铜梁县学教谕	李嘉树	成都府人	举人
安居乡学训导	彭家枢	宜宾县人	恩贡
大足县学训导	金 健	绵州人	举人
璧山县学训导	侯 璫	营山县人	举人
定远县学训导	江炳文	茂州人	廪贡
编辑			
荣昌县学教谕	寇 宗	渠县人	举人

凡 例

古人著述凡例,即随事载之书。《左传》言凡者,皆凡例也。

明初府州县志书成,必推其乡先生之齿德俱尊者叙之,否则官于其府州县者也,皆必文优而又有功是书者为之。义取于独断,则有自为之,而不让于乡先生与官者矣,皆所谓职也。叙止一篇,或别有发明,则为后叙。亦有但纪岁月而无叙者,两叙非体也,不当其人,非职也。顾炎武云。

自古书籍文字,头行题目无不顶格写者,后世欲便区别,乃低二格,非古也。

凡一郡一邑之志,先正封域、稽里道、考山川、详关塞,而凡食货、职官、学校、武备,以及古今政治之得失,风土嗜好之奢俭,人物典章之兴起,莫不以次详焉。尚古远而略近今,采谣俗而失事实,非善于志者也。

建置沿革必有表有说,至旧志古迹名存实亡者,亦一一分注之。惟僭伪如王莽篡汉、契丹入汴,其妄有改易之处,毋庸编入。

王者体国经野,爰有城邑,城邑定而公署列焉。所贵在正方位,以辨疆界。详四至八到,以知广袤。论形势险易,以察要害。若三都两京夸多斗靡,虽别有讽劝,义无取焉。

禹平水土,主名山川。《职方》辨州,惟表山薮川浸,是固财用之所出也,畜产之所宜也,尤当详列。古今战守攻取之宜,而兴亡成败之得失,可鉴其景物之盛。以及游观诗赋,非有关于政教学问者,汰而不录。

山川布而相其阴阳,则有市镇。据其形胜,则有关梁阻厄,凡以守国也。至于先民宅墓,世家氏族,以及贞淫风俗,凡有系于风化观感者,必搜访而详著之。

国家礼明乐备于黉宫,暨文、武两庙极其尊崇,其余载在祀典者,守土官莫不春秋有事焉,固当备列,以重一代之典章。惟其仪文度数详见《大清会典》《礼部则例》二书,是通典也,不得摭入,以为一郡一邑之志。若夫乡曲寺观古刹,例可附见淫祠,不必滥登。

食货生民之大命也。我朝轸念元丁,粮科则时有减除,故凡田赋、户口、徭役、杂税、积贮,自当遵新定则例,编载蠲赈、荒政,凡以惠民,亦当留心考核,以咨治理。物产从同者,不具书,不必书也。

《职官志》文武分别叙录,其卓有政绩,或以死勤事及原入名宦者,则为传详注之。无所建白者,仅录其姓名。其分驻市镇,即古者羁縻控制之术,例必著述。惟前代固不得误用后代职衔,后代亦不得袭用前代名号。其府州县直书今名,尤不可仍沿用前代郡名地名,尽于理无取而于事复有碍者也。

学校为造士之本,故凡学额、学田例当载为典籍,而书院、义学亦古昔党庠乡校之义,均宜备书。

《武备志》分别营伍,详列将弁兵马之目。凡邮亭急递民壮额设,即次第列之,所以严兵卫也。至团练一法犹存,古人寓兵于农之义尚其讲明,切究之。

选举所以储人才也。其出而上不负吾君,下不负所学,及以身殉国者,传以纪之。余则详其科目,仅列姓氏。

前代人物不分儒林、文苑、循吏,随所表见其品目,均可考而知也。惟史传原列儒林等类者,仍旧注之。隐逸必懿行,足式闾里;列女必大节,足光史册,择其尤异者传记之。次则类叙

之。其近代忠孝、节义事，溯已往亦必就舆论所推许，无取一家之私说，小德细行不必悉录。若现存者行虽可述，例不入编。惟武功崛起行闻，据事直书不拘此格。他若谪宦、流寓、艺术，则取其实有可传者著之。仙释事多传会，别为杂传记之。

《艺文志》始于班固，尽本刘向《七略》，记其篇目而已。后世著作盖棺论定之后，其有裨于世教、学业、经济者，亦可记其卷帙或序文一篇。其余勒诸金石者，附见古迹各条之下，不入此志。

《春秋》记异不记祥，刘向《五行传》亦只条灾异上之，尽欲人主之恐惧，修省也。甘露、黄龙之瑞貽讥，后世宜于此鉴择焉。

渠江万川寇宗谨识

目 录

卷一輿地志

府治全图 沿革表 沿革说 疆域 形势 城池 公署 山川|关镇、古迹、寺院、津梁、塘堰附见 氏族 风俗 陵墓

卷二祠祀志

庙坛

卷三食货志

田赋 户口 徭役 榷政关市、杂税 盐法 茶法 仓储 蠲赈 荒政 物产

卷四职官志

统纪 题名政绩、忠节

卷五学校志

学额学田 书院义学附

卷六武备志

营制兵额 题名武功、忠节 驿传 塘铺 团练附

卷七选举志

进士 举人 贡生 武科 荫辟

卷八人物志

人物 忠节 孝友 行谊 隐逸 耆寿 谪宦 流寓 艺术 仙释 烈女|贤孝、才艺、节烈、贞孝、完节

卷九艺文志

经 史 子 集 杂著 祥异附

《重庆府志》卷之一

輿地志

重庆府沿革表

重庆府

两汉 巴郡 秦置,两汉隶益州部。献帝初平元年,刘璋改曰永宁郡。建安六年复。

蜀汉 巴郡 隶梁州。

晋 巴郡 隶梁州。

宋齐 巴郡 宋隶益州,齐隶巴州。

梁 巴郡 太清中兼置楚州。

魏周 楚州、巴郡

西魏 大统中改曰巴州,周闵帝复。

隋 巴郡 开皇初废郡,改曰渝州。大业初,罢州复郡。

唐五代渝州、南平郡 武德元年复置州,天宝初改南平郡,乾元初复置州,隶剑南东道。

宋 重庆府 初曰渝州南平郡,属夔州路。崇宁元年改恭州,淳熙十六年升府。

元 重庆路 至元六十年改路,兼置四川南道宣慰司。

明 重庆府 属四川布政司。嘉靖中,隶川东道。

	巴县	江津县	长寿县	永川县
两汉	江州县	江州县地	江州、枳县地	江州县地
	巴郡治			
蜀汉	江州县			
晋	江州县			
宋齐	江州县			
	齐末徙,更名曰垫江县			
梁				
魏周	巴县—魏周一周武成三年	江津县—魏周一西魏置江阳县,兼置七门郡。	江阳县	
隋	郡治	江津县,开皇十八年改。	巴县地	

稀见重庆地方文献汇点(下)

续表

	巴县	江津县	长寿县	永川县
唐五代	州治 南平县 贞观四年置,并置南平州,改霸州。十三年废,县属渝州。	江津县 万寿县,武德三年置万春县,五年更名,属渝州。	乐温县,武德二年置,属南潯州,九年属涪州。温山县,武德初置	永川县,大历十一年分璧山县置属昌州。
宋	府治,雍熙中省	江津县,乾德五年徙治马鞍山,省万寿县	乐温县,属涪州,熙宁三年省为温山镇	永川县,属昌州
元	路治	江津县	至元二十年,省入涪州。至正中,明玉珍移置今县,更名长寿。	至元中,入大足县
明	府治	江津县	长寿县,洪武六年置,改属重庆府	永川县,洪武初复置,属重庆府。

	荣昌县	綦江县	南川县	合州
两汉	资中、江阳、垫江县地	江州县地,元鼎六年改置母敛县,隶牂牁郡。	枳县地	垫江县,属巴郡,建安六年属巴西郡。
蜀汉		母敛县		垫江县,建兴十五年还属巴郡。
晋		母敛县		垫江县
宋齐		母敛县		东宕渠郡,元嘉中置,垫江县,郡治。
梁		母敛县		东宕渠郡,垫江县。
魏周		母敛县		合州,垫江郡,西魏置州,更郡名。石镜县,恭帝三年更名,州郡治。
隋		隆阳县,隶牂牁郡	巴县地	涪陵郡,开皇初废郡改州,曰涪州。大业初改郡。石镜县,郡治。赤水县,开皇初置,属涪州。
唐(五代)	昌州,乾元初置。昌元县,乾元初昌州治,后周移置罗市镇。	南州南川郡,武德二年置,治隆阳县	南川县、唐(五代)一贞观中,置隆化县,属涪州。先天初改曰宾化。	合州,巴川郡武德中复州名,天宝初改巴川郡。石镜县,州治赤水县,属合州。
宋	昌州昌元郡,属潼川府路。天禧中又徙县今治。	南川县,初为羁縻州,皇祐中,废州为南川县;熙宁七年,省置南平军,旋复后废。	南川县、宋一初复旧名隆化,熙宁中,属南平军。嘉熙三年,移军来治。	合州,巴川郡,乾德三年,复州郡名,更县名石照。石照县,州治,淳祐初徙。赤水县,属合州。

续表

	荣昌县	綦江县	南川县	合州
元	废	南川县,属重庆路。 南平綦江长官司,属 播州宣抚司,后废。	南川县,至元二十二年 军废,改置南川县,属 重庆路。赤水县,至元 二十年,并入石照。	合州至元二十年为散 郡,二十二年复故治。 石照县,州治。
明	荣昌县,洪武初置,属 重庆府。	綦江县,洪武初改置, 属重庆府。	南川县,属重庆府。	合州,属重庆府。洪武 初省入合州。

	涪州	铜梁县	安居乡	大足县
两汉	枳县,属巴郡	垫江县地	资中县地	
蜀汉	涪陵郡,蜀汉置,治 汉平。 枳县 汉平县,蜀汉置,属涪 陵郡。			
晋	涪陵郡,永和中移治 汉复城。枳县,涪陵 郡治。汉平县。			
宋齐	涪陵郡 枳县,郡治 汉平县,宋省,齐 复置。			
梁	涪陵郡 枳县 汉平县			
魏周	涪陵郡,周废枳县,仍 移郡治汉平。 汉平县		安居郡,柔刚县, 郡治。	
隋	开皇初郡废。 涪陵郡,开皇中改置, 属巴郡。(汉平县) 徙废。		开皇初废。 柔刚县,属普州。 十三年改曰安居县。 大业初,属资阳郡。	
唐(五代)	涪州,涪陵郡,武德初 置州,天宝初改郡。 涪陵县,州治。 武龙县,武德初置,属 涪州。	铜梁县,长安四年置, 属合州。 巴川县,开元初置,属 合州。	安居县,武德二年属 普州,大历十年改隶 遂州,寻复故。	大足县,乾元元年置, 属昌州。光启初,移州 来治。 静南县,本元元年置, 后为州治。

稀见重庆地方文献汇点(下)

续表

	涪州	铜梁县	安居乡	大足县
宋	涪州 涪陵郡,属夔州路。 涪陵县 武龙县,宣和初改枳 县,绍兴初复故名,熙 宁二年省。	铜梁县 巴川县	安居县,属普州。	大足县州治。 省入大足、永川、昌元 三县。
元	涪州,属重庆路。 至元二十年省入州。 武龙县	铜梁县移治省。	废入铜梁县	州县俱废,入合州。
明	涪州,属重庆府。 武隆县,洪武初更名, 仍属涪州。	铜梁县,属合州。	安居县,成化十七年 置,属合州。	大足县,洪武初复置, 属重庆府。

	璧山县	定远县	江北厅
两汉	江州县地	垫江县地	江州县地
蜀汉			江州县地
晋			江州县地
宋齐			江州县地
梁			垫江县地
魏周			巴县地
隋		汉初县,大业中置,属涪陵郡。	巴县地
唐 (五代)	璧山县,至德二载置,属渝州。	武德中,并入合州。	巴县地
宋	璧山县,属渝州。	汉初县,元丰间置,属合州巴 川郡。宝祐中兵乱废。	巴县地
元	省入巴县	至元二年省 定远县,至元四年置武胜军, 寻改定远州,又降为县,属 合州。	巴县地
明	璧山县,成化十九年复置,属 重庆府。	定远县,嘉靖三十年移治,属 合州。	巴县地

建置沿革

重庆府 禹贡梁州之域。《山海经》:西南有巴国,大皞生咸鸟,咸鸟生乘厘,乘厘生后昭,是为巴人。郭璞注为巴之始祖。周为巴子国。《华阳国志》:武王克殷,封宗姬于巴,爵之以子。《左传正义》:昭十三年,楚共王与巴姬

埋壁，则巴国姬姓也。战国时，秦灭蜀，置巴郡。《华阳国志》：蜀王伐苴，苴侯奔巴，巴为求救于秦。秦遣张仪、司马错伐蜀，灭之。因执巴王以归，置巴郡焉。两汉仍之，属益州部。武帝元封五年，分天下为十三部，初置刺史。益州刺史部领郡九：汉中、广汉、犍为、武都、越嶲、益州、牂牁、巴、蜀。蜀汉，巴郡隶梁州。州治汉中，蜀汉重镇也。黄权曰：若失汉中，则三巴不振。晋、宋、齐俱为巴郡。梁太清四年，萧纪据蜀，于郡置楚州。西魏大统十七年，改曰巴州。后周闵帝元年曰楚州。隋开皇初，郡废改州，曰渝州。大业初，复罢州为巴郡。唐初曰渝州。天宝初改曰南平郡。乾元初复为渝州，属剑南东道。五代时，王建、孟知祥前后僭据渝州，属蜀。宋初亦曰渝州南平郡，属夔州路。崇宁元年，改曰恭州。淳熙十六年，升为重庆府。以光宗潜邸也。元至元十六年，置重庆路总管府，为四川南道宣慰司治。属四川行省。至元末，明玉珍据之，僭号曰夏。明初仍为重庆府，属四川布政使司。

国朝因之，属四川省，领州二、县十一、厅一。曰：

巴县 本春秋巴国都。《寰宇记·三巴记》云：阆、白二水东南流，曲折三厄如巴字，故谓之三巴，盖因水得名也。汉置江州县为巴郡治，后汉、晋、宋皆因之。齐末更名为垫江县。梁为楚州治。后周武成三年，改曰巴县。隋初为渝州治，后为巴郡治。唐复为渝州治。贞观四年，分巴县地置南平县，在县东南二百三十里，并置南平州。领南平、清谷、周泉、昆川、和山、白溪、瀛山七县。八年改州曰霸州。十三年，州废，以清谷等县俱省入南平，属渝州。宋雍熙中，县亦废。宋初为重庆府治，元属重庆路治。明复为重庆府治。

国朝乾隆二十四年，以县治辽阔，分江北之义、礼二里及仁里上六甲，隶理民同知管辖。又分缙云山西祥里、依来乡，隶璧山县管辖。

江津县 本汉江州县地，西魏分置江阳县，在今县西，地名夔口。兼置七门郡。县西七十里，有大石横江，凡七，望之如门，郡因之名。隋开皇三年郡废，十八年改县曰江津，《寰宇记》：以斯地在江之津，故名。属渝州，唐宋仍之。唐武德三年，分置万春县。五年改曰万寿县，在府西南九十里。宋乾德五年，省移江津县，治马鬃山，现巴县固围山。元属重庆路，明属重庆府，今因之。

长寿县 汉江州、枳二县地，周隋为巴县地。唐武德二年，析置乐温县，属南磷州。九年，改属涪州。乐温县在县西北五十里，武德二年又置永安县，在县西南，属涪州。开元二十二年省入乐温县，又置温山县，在县西，属南磷州，寻改属涪州。宋初因之，熙宁三年省为温山镇，属乐温县。宋因之，元至元二十年省入涪州。至正中，明玉珍改置长寿县，仍属涪州。明洪武六年，置长寿县，《郡志》：长寿山在县东北七十里，此山人多寿考，故名。改属重庆府，今因之。

永川县 汉江州县地。唐大历十一年，分璧山县地置永川县，《寰宇记》：山川辽阔，因名永川。属昌州。宋仍之，元至元中省入大足县。明洪武初复置，属重庆府，今因之。

荣昌县 本汉犍为郡资中、江阳，巴郡垫江三县地。唐初为泸、普、渝、合、资、荣六州之界。乾元元年，分置昌州，治昌元县。昌元废县在今县西北，今为昌元里狮子坝，社稷坛石刻尚存。大历六年，州废，县属资州。十年，复置州，治静南县。光启元年，徙州治大足县，昌元并属焉。周显德初，移县治罗市镇。宋仍隶昌州，昌元郡属潼川府路。天禧中，又徙今治。元州、县俱省。明玉珍置昌宁县，洪武七年省。明洪武四年，改置荣昌县，《名胜记》：以界于荣州也。今因之。

綦江县 本汉江州县地。武帝元鼎六年开牂牁郡，改置毋敛县，隶焉。后汉、晋、宋、齐、梁仍之。隋曰隆阳县。唐武德二年，兼置南州，治隆阳县。并置扶化、隆巫、丹溪、灵水四县。三年改曰夔州，四年复曰南州。贞观五年又置三溪县，七年又置当山、岚山、归德、汶溪四县，俱属南州。八年省。十一年又省扶化、隆巫、灵水三县。十六年并废丹溪置漆州、漆溪郡，治荣懿县，领扶欢、乐安。咸亨初，废三溪县。宋初始废。先天元年改隆阳曰南川县，天宝初改州曰南川郡，乾元初复曰南州，属江南道黔州。今彭水县都督

府。宋初为羁縻州,庆历八年改属渝州。皇祐五年,废州为南川县。熙宁七年省县改置南平军,属夔州路。元丰初复置南川县。嘉熙三年军徙治,隆化县废。大观初,别置涪州,改荣懿县为涪溪,宣和初废。元置南川县,属重庆路。又置南平、綦江长官司,属播州宣抚司,后废。明洪武初改置綦江县,《名胜记》:綦江水发源夜郎,至县作苍帛色,故名綦。属重庆府,今因之。

南川县 本汉枳县地,周、隋为巴县地。唐贞观十一年,分置隆化县,在今县东南一百三十里。属涪州。先天元年改曰宾化。宋初复曰隆化,熙宁七年,改属南平军。嘉熙三年,徙军来治。元至正二十二年军废,改置南川县,《名胜记》:按《通志》,县有南江,发源夷獠之界,众溪会合由三溪口至綦市,又至南江口流人大江,此名县之故也。属重庆路。明属重庆府,今因之。按南江即今綦江水,《名胜记》误。

合州 古巴子故都。《志》云:州南五里有巴子故城。秦为巴郡地,汉置垫江,《说文》:垫,重衣也,从衣执声,巴郡有垫江县。孟康云:音重叠之叠,尽以渠江、嘉陵、涪江会于此,如衣之重叠。然知《汉书》本不作垫江县也。属巴郡。后汉因之,建安六年改属巴西郡。蜀汉建兴十五年,还属巴郡,晋因之。宋元嘉中,置东宕渠郡。西魏恭帝三年,改郡曰垫江县,曰石镜,又于郡置合州。《元和志》:以涪江自梓遂州来,至州南与嘉陵江合流,故名。隋初郡废,开皇末,改州曰涪州。大业初,又改州曰涪陵郡。废赤水县,开皇中置,在州西北百三十里,属涪州,唐因之。宋熙宁四年,省入铜梁县,七年复置。元至元二十年并入石照县。唐武德初,复曰合州,天宝初又改巴川郡。乾元初,复曰合州,属剑南道。废巴川县,开元二十三年析石镜、铜梁二县地置,属合州,宋因之,元省入铜梁县。宋乾德三年,改县曰石照,仍为合州巴川郡,属潼川府路。淳祐三年,徙州治钓鱼山,县并徙焉。废汉初县,南齐置,在州西北百九十里,属东宕渠郡。梁为新兴郡治,西魏改郡曰清居,隋废郡,县属合州。唐宋因之,皆属合州,宝祐中,兵乱县废。元至元二十年为散郡,二十二年合州石照县复,还故治,改属重庆路。明洪武初,以州治石照县,省入属重庆府,今因之。

涪州 战国时楚枳地。汉置枳县,属巴郡,后汉仍之。蜀汉置涪陵郡,宋白曰:先主以地控涪江,于此立郡,领汉平、汉葭二县。《方輿纪》:汉平废县在涪州东百二十里,汉葭县在州东百里,后周时县废。晋永和年中徙涪陵郡,治汉复城,在州南九十里。宋、齐因之。周废枳县,移郡治汉平。隋开皇初,郡废。十三年,仍移汉平县于涪陵镇,改曰涪陵县,《名胜记》:按集韵,涪沔,水泡也,水出群舸费州。属巴郡。唐武德元年,改州,省陵字,属江南西道。天宝初曰涪陵郡。乾元初,复曰涪州。武德二年,析涪陵、枳二县地置武龙县,属涪州。宋宣和初,改枳县。绍兴元年,复故名。熙宁二年,省元复置。明初改龙为隆,属涪州。康熙七年省。宋仍曰涪州涪陵郡,属夔州路。元至元二十年,以州治,涪陵县省入。二十一年,改属重庆路。明属重庆府,今因之。

铜梁县 汉垫江县地。西魏为石镜县地。唐长安四年,始置铜梁县,《元和志》:取小铜梁山为名。属合州,宋因之。元移县治,刘昫曰:县初治奴仑山。开元三年,移治武金坑。王象之曰:旧治在县北列宿坝,后移治涪江南岸,又移于东溪坝,元时始移今治。明仍属合州。国朝康熙元年,省入合州。六十年复置,属重庆府。

安居乡 《方輿纪》:在铜梁县西北七十里。本汉资中县地。后周置柔刚县,并置安居郡治焉。隋开皇初,郡废,县属普州,十三年改曰安居县。《方輿纪》:县东有安居溪。大业初,属资阳郡。唐武德二年,仍属普州。大历二年,改隶遂州,寻复故,宋仍之。元废,入铜梁县。明成化七年,析铜梁、遂宁二县地复置,属合州。国朝雍正六年,并入铜梁,仍存县名,属重庆府。乾隆四十一年,更名乡。

大足县 本合州巴川县地。唐乾元元年,置大足县,《寰宇记》:以界内大足川为名。属昌州。大历六年,州废,十年移州治静南县。《元和志》:州为狂贼张朝等所焚,遂罢废。大历十年,本道使崔宁奏请复

置,以镇压獠夷。其城南凭赤水,北倚长岩,极为险固,又云静南县郭下。乾元元年,与州同治,按静南废县在大足县东南,今为旧州坝。光启初,移州治大足县。宋仍为昌州治,静南省入大足三县。元时,州县俱废,入合州。明洪武四年,复置,属重庆府。国朝康熙元年,省入荣昌县,雍正六年复置。

璧山县 本汉江州县地。唐至德二载析巴县及江津、万寿县地置璧山县,《元和志》:以中有一座孤山,西北险峻,东南稍平,土人号重璧山,因名。属渝州,宋仍之。元至元二十二年省入巴县。明成化十九年复置,属重庆府。国朝康熙元年,省入永川县,雍正六年复置。

定远县 本汉垫江县地。隋为汉初县地。宋为石镜县地。开禧间尝置和溪县,寻废。元至元四年置武胜军,后改为定远县,《名胜记》:元改定远军,言永远安定也。二十四年降为县,属合州。明因之旧,治女菁平。涪江涨溢城垣,嘉靖三十年移治江岸南十里,地名庙坝,即今治也。国朝康熙八年并入合州,雍正六年复置,属重庆府。

江北厅 本汉巴郡治。《华阳国志》:汉世郡治江州。巴水北有柑橘宫,今北府城是也。后为江州县地。齐末,改江州为垫江,是为垫江县地。后周以后俱为巴县地。明为巴县之江北镇。国朝乾隆十九年,因镇所形势冲要,以重庆府同知移驻江北。二十四年,复以巴县义、礼二里及仁礼六甲隶之,属重庆府。

疆域

古巴子国,《华阳国志》谓其地:东至鱼复,西至夔道,北接汉中,南极黔涪。今重、保、顺、绥四府,忠、酉二州,夔以西,叙以北,皆其境也。此巴国地汉巴郡领十一县地:江州县今江北、巴县、江津、璧山、永川、綦江、南川之半皆是。临江县今忠州、垫江、石柱之北是。枳县今涪州、长寿、丰都都是。阆中县今保宁府、阆中、苍溪、顺庆府、仪陇是。垫江县今合州、铜梁、大足、定远其荣昌及顺庆府广安州皆三分之一焉。朐县今梁山、万县、云阳、开县是。安汉县今顺庆府南充、西充之半,蓬州、岳池、广安三分之一。宕渠县今绥定府达县、东乡、新宁、渠县、大竹、太平,保宁府巴州、通江、南江,顺庆府营山、邻水,广安州三分之一。鱼复县今夔州府奉节、巫山、大宁是。充国县今南充、西充之半,保宁府南部县是。涪陵县今酉阳州,秀山之半,黔江、彭水是。胡三省曰:汉之涪陵,今彭水县;今之涪陵,汉枳县也。后汉巴郡领十四城:江州宕渠朐阆中鱼复并水有并关临江枳、涪陵垫江安汉平都《巴记》曰:和帝分枳置。充国永元二年分阆中置。宣汉《巴汉记》曰:和帝分宕渠之东置。汉昌永元中置。《巴记》曰:分宕渠之北置。幅员广矣。《巴郡图经》:境界南北四千,东西五千,周万余里,属县十四,盐铁五官各有丞史。献帝初平元年,安汉赵颖议分巴为三郡,以垫江以上为巴郡,治安汉故城在今顺庆府南三十五里,江州以下为永宁郡,朐阆以下为固陵郡。建安六年,鱼复蹇允争巴名,刘璋乃改永宁为巴郡,固陵为巴东郡,前巴郡为巴西郡,自安汉移治阆中,是为三巴。蜀汉又分巴郡置涪陵郡,治涪陵县领汉复等五县,宕渠郡治宕渠县,寻省入巴西郡。巴西郡领阆中等九县,巴东郡领鱼复等三县,而巴郡领江州等四县。魏晋以后,或因或革,阔狭不一,今之疆域自府治至京师驿程五千七百七十里。在省治东少南九百九十五里,广七百有五里,袤五百一十里。东至酉阳州彭水县界三百五十里,西至叙州府隆昌县界三百五十五里,北至顺庆府岳池县二百六十里,南至贵州遵义府桐梓县二百五十里,东南至遵义府界三百里,西南至遵义府仁怀县界四百里,东北至忠州垫江县界三百有五里,西北至潼川府安岳县界四百三十里。

巴县 附郭 东至沙溪交长寿县界二百里,西至走马冈交璧山县界八十里,南至犁牛铺交綦江界一百五里,北过江北厅界通江面五里,陆路至风垭一百七十里交合州界。

江津县 在府南少西一百四十里,东至綦江县界一百五十里,西至永川县界九十里,南至贵州遵义府仁怀县界二百里,北至巴县界六十里。